

卷十三

陽明先生文錄卷之一

書一

始正德己巳至庚辰

與辰中諸生 己巳

謫居兩年無可與語者歸途乃得諸友何幸何幸
 以為喜又遽爾別去極快快也絕學之餘求道者少
 一齊來楚最易搆奪自非豪傑鮮有卓然不變者謹
 友○字○砥○礪○夾○持○務○期○有○成○近○世○士○夫○亦○有○稍○知○求
 道者因實德未成而先揭標榜以來世俗之謗是
 以○此○慕○墮○無○立○反○為○斯○道○之○梗○諸○友○宜○以○是○為○鑒
 勿○務○於○切○已○處○着○實○用○力○前○在○寺○中○所○云○靜

書名 陽明先生文錄十七卷 嘉靖二十六年
 張良才重校刊本
 撰者 明 王守仁 撰
 卷 卷十三
 內容分類 集 別集 明中葉
 索書號 集部 別集 7-28-1
 編號 D7431500

彩色首頁1

東洋文化研究所漢籍目錄 編號: D7431500

東洋文化研究所漢籍目錄所藏漢籍善本文影像資料庫 索書號: 集部 別集 7-28-1

漢籍善本文影像資料庫文本 陽明先生文錄十七卷 嘉靖二十六年張良才重校刊本

版權所有: 東京大學 東洋文化研究所

使用上的注意事項

所究研京東院學化文方東

No. 3189 九



九



王陽明先生文錄 十三十四


所究研京東院學化文方東

No. 3189

詩



九



陽明先生文錄卷之十三

廬陵詩三首

正德庚午年三月遷廬陵尹作

遊瑞華二首

簿領終年未出郊此行聊解俗人嘲
憂時有志懷先達作縣無能愧舊交
松古尚存經雪幹竹高還長拂雲稍
溪山處處堪行樂正是浮名未易拋

其二

萬死投荒不擬回生還且復荷栽培
逢時已負三年學治劇兼非百里才
身可益民寧論屈志存經國未全灰
正愁不是中流砥千尺狂瀾豈易摧

古道

古道當長坂肩輿入暮天蒼茫聞驛鼓冷落見炊烟
凍燭寒無焰泥爐濕未燃正思江檻外閒卻釣魚船
立春日道中短述

臘意中宵盡春容傍曉生野塘冰轉綠江寺雪消晴
農事沾泥犢羈懷聽谷鶯故山梅正發誰寄欲歸情

公館午飯偶書

行臺依獨寺僧屋自成鄰殿古凝殘雪墻低入早春
巷泥晴淖馬簷日暖堪人雲散小岩碧松梢掛月新
午憇香社寺

脩程動百里往往餉僧居佛鼓迎官急禪牀爲客虛
桃花成并落雲水接郊墟不覺泥塗澁看山興有餘

京師詩二十四首

正德庚午年十月陞南京刑部主事辛未年入覲調北京

吏部主事作

夜宿功德寺次宗賢韻二絕

山行初試夾衣輕脚軟黃塵石路生一夜洞雲眠未
足湖風吹月渡溪清

水邊楊柳覆茅楹飲馬春流更一登坐久遂忘歸路
夕溪雲正瀉暮山青

別方叔賢四首

西樵山色遠依依東指江門石路微
料得楚雲臺上客久懸秋月待君歸

自是孤雲天際浮篋中枯蠹豈相謀
請君靜後看羲畫曾有陳編一字否

休論寂寂與惺惺不妄由來即性情
笑却慙慙諸老子翻從知見覓虛靈

道本無爲只在人自行自住豈須鄰
坐中便是天台路不用漁郎更問津

白灣六章

宗巖文先生居白浦之灣四方學者稱曰自

浦先生而不敢以姓字某素高先生又辱
之僚因爲書白灣二章并詩以詠之

浦之灣其白漫漫彼美君子在水之盤

灣之浦其白瀾瀾彼美君子在水之涘

雲之溶溶于灣之湄君子于處民以爲期

雲之油油于灣之委君子于興施及四海

白灣之渚子遊以處彼美君子兮可以容與

白灣之洋于濯以湘波美君子兮可以徜徉

寄隱巖

每逢山水地便有卜居心終歲風塵裏何年滄海濤

洞寒泉滴細花真石房深青壁須留姓他時好共尋

香山次韻

尋山到山寺得意却忘山巖樹坐來靜壁蘿春自
樓臺星斗上鐘磬翠微間頓息塵寰念清溪踏月遠

夜宿香山林宗師房次韻二首

幽壑來尋物外情石門遙指白雲生林間伐木時聞
響谷口逢僧不記名天壁倒涵湖月曉烟梯高接
堦平公堂靜夜渾無寐到枕風泉處處聲

久落塵心未止情紫崖丹壑是平生養真無力常懷
靜滿松木歸春門樹隱洞泉穿石細雲過溪路入

花平道人只住層巖上

別湛甘泉二首

行子朝欲發驅車不得留驛車下長坂顧見城東樓
遠別情已慘况此東流分手訣河梁涕下不可收
車行望漸杳飛埃逐馬塵上遲回岐路孰知我心憂

其二

我心憂以何君去阻且長一別豈得已母老三所將
奉命危難際而俗反猜量昔集萬里逝豈伊為梁
達命詔何端三能忘虞安君猶弄獲關路非岐嶺

今德崇易簡可以知世阻結華湖水陰幽斯終不忘
伊爾得相就我心亦何傷名世變倏忽人命非可常
斯文天未墜別短會日長南寺春月夜風泉間竹房
逢僧或停轍先掃白雲床

贈別黃宗賢

古人戒從惡今人戒從善惡乃同汚從善翻滋怨
紛紛嫉媚與指謫能自其篤信士依違多背面
寧知竟漂流淪胥亦污賤豈敢江陵子奮身勇厥踐
拂衣還舊山霧隱期豹變嗟嗟吾黨賢白黑匪難辯

歸越詩五首

正德壬申年陞南京太僕寺少卿便道歸越作

四明觀白水二首

邑南富巖壑白水尤奇觀興來每思往十年就茲觀
停驂指絕壁涉澗緣危磴百源旱方歇雲際猶飛湍
霏霏灑林薄漠漠凝風穴前聞若未愜仰視終莫攀
石陰暑氣薄流觸迴迴澗茲遊詎盤樂養靜意所關
逝者諒如斯哀此歲月殘擇幽雖得所避時時猶難
劉樊古方外感慨有餘嘆

千丈飛流舞白鸞碧潭倒影現中看藤蘿半壁雲烟
濕殿角長年風雨寒野性從來山水癖直躬更覺世
途難卜居斷擬如周叔高卧無勞比謝安

杖錫道中用張憲使韻

山鳥懽呼欲問名，山花含笑似相迎。
風迴碧樹秋聲早，雨過丹巖夕照明。
雪嶺插天開玉帳，雲溪環碧抱金城。
懸燈夜宿茅堂靜，洞鶴林僧相對清。

又用曰仁韻

每逢佳處問山名，風景依稀過眼生。
歸霧忽連千嶂暝，夕陽偏放一溪晴。
晚投巖寺依雲宿，靜愛楓林送雨聲。
夜久披衣還起坐，不禁風月照人清。

書杖錫寺

杖錫青真端澗壁，環一險垂巖下陡。
欹涉水攀絕巘

阻深聽喧瀑，路絕駭危棧。攔蘿登峻極，披翳見平衍。
僧逋寄孤衲，守廢遺荒殿。傷茲劣僻墟，曾未誅求免。
探幽冀累息，憤時翻意慄。拯援才已踈，栖遲心益眷。
哀猿嘯春嶂，懸燈宿西崦。誅茆竟何時，白雲愧舒卷。

滁州詩三十六首

正德癸酉年
到大僕寺作

梧桐江用韻

鳳鳥久不至，梧桐生高岡。我來竟日坐，清陰灑衣裳。
援琴俯流水，調短意苦長。遺音滿空谷，隨風逝悠揚。
人生貴自得，外慕非所臧。顏子豈忘世，仲尼固遑遑。
已矣復何事，吾道歸滄浪。

林間睡起

林間盡日掃花眠，祇是官閒媿俸錢。
門徑不妨春草合，齋居長對晚山妍。
每疑方朔非真隱，始信楊雄誤太玄。
混世非能隨地得，野情終是愛丘園。

贈熊彰歸

門徑荒涼蔓草生，相求深媿遠來情。
千年絕學蒙塵土，何處澄江無月明。
坐看遠山凝暮色，忽驚庭葉起秋聲。
歸途望嶽多幽興，爲問山田待耨耕。

別易仲

辰州劉易仲從予滁陽一日問道可言乎予

曰啞子喫苦瓜與你說不得爾要知我苦還
須你自喫易仲省然有悟久之辭歸別以詩
迢遞滁山春子行亦何遠纍然良苦心
惆恍不遑飯至道不外得一悟失群聞
秋風洞庭波遊子歸已晚結蘭意方勤
寸草心先斷末學久此離頽波竟誰挽
歸哉念流光一逝不復返

送守中至龍盤山中

未盡師生六日情，天教風雪阻西行。
茅堂豈有春風坐，江郭虛留一月程。
客邸琴書燈火靜，故園風竹夢魂清。
何年穩閉陽明洞，楫拙山爐煮石羹。

龍蟠山中用韻

無奈青山處處情
村沽日日辨山行
真慚廩食虛官守
只把幽遊作課程
谷口亂雲隨騎遠
林間飛雪點衣輕
長思澹泊還真性
世味年來久絮羹

瑯琊山中三首

草堂寄放瑯琊間
溪鹿巖僧且共閑
冰雪能回草木死
春風不化山石頑
六經散地莫收拾
叢棘被道誰刊刪
已矣驅馳二三子
鳳圖不出吾將還

狂歌莫笑酒盃增
異境人間得未曾
絕壁倒翻銀海浪
遠山真作玉龍騰
浮雲野思春前動
虛室清香靜後凝
懶拙惟餘林壑計
伐檀長自媿無能

風景山中雪後增
看山雪後亦誰曾
隔溪巖犬迎人吠
飲澗飛猿踔樹騰
歸騎林間燈火動
鳴鐘谷口暮光凝
塵踪正自緇籠在
一宿雲房尚未能

答朱汝德用韻

東去蓬瀛合有津
若爲風雨動經旬
同來海岸登舟者
俱是塵寰欲渡人
弱水洪濤非世險
長年三老定誰真
青鸞耿耿無消息
悵望烟花又暮春

送惟乾二首

獨見長年思避地
相從千里欲移家
慚予豈有萬間

鹿借爾剛餘一席沙古洞幽期攀桂樹春溪歸路問
桃花故人勞念還相慰回鴈新秋寄綵霞
簞笈連年愧遠求本來無物若爲酬春城驛路聊相
送夜雪空山且復留江浦雲開廬嶽曙洞庭湖濶九
疑浮懸知再鼓瀟湘柁應是芙蓉湘水秋

別希顏二首

中歲幽期亦幾人是誰長負故山春道情暗與物情
化世味爭如酒味醇耶水雲門空舊隱青鞋布襪定
何晨童心如故容顏改慚愧年年草木新
後會難期別未輕莫辭行李滯江城且留南國春山

西堂夜雨聲歸路終知雲外去晴湖想見鏡
中影爲尋洞裏幽棲處還有峰頭雙鶴鳴

山中示諸生五首

路絕春山久廢尋野人扶病強登臨同遊仙侶須乘
興共探花源莫厭深鳴鳥遊絲俱自得閒雲流水亦
何心從前却恨牽人向展轉支離嘆陸沉

其三

淙流亦沂水童冠待幾人莫負詠歸興溪山正暮春

其三

桃源在何許幽峰最深處不用問漁人沿溪踏花去

其四

池上偶然到紅花間白花小亭閒可坐不必問誰家

其五

溪邊坐流水水流心共閒不知山月上松影落衣班

龍潭夜坐

何處花香入夜清
石林茅屋隔溪聲
幽人月出每孤往
棲鳥山空時一鳴
露不辭芒履濕
松風偏與葛衣輕
臨流欲寫猶蘭意
江北江南無限情

送德觀歸省二首

雪裏閉門十日坐
開門一笑忽青天
茅簷正好負暄

日客子胡爲思故園
椿樹慣經霜雪老
梅花偏向寒妍
瑯琊春色如相憶
好放山陰月下船

瑯琊雪是故園雪
故園春亦瑯琊春
天機動處即生意
世事到頭還俗塵
立雪沂傳故事吟
風弄月是何人
到家好謝二
三子莫向長沮錯問津

送蔡希顏三首

正德癸酉冬希淵赴南宮試訪予滁陽遂留
閱歲旣而東歸問其故辭以疾希淵與予論
學瑯琊之間於斯道旣釋然矣別之以詩
風雪蔽曠野百鳥凍不翔
孤鴻亦何事嗷嗷遡寒雲

豈伊稻梁計獨往求其群之子眇萬鍾就我滁水濱
野寺同遊詣秦山共攀援鳥鳴幽谷曙伐木西澗曛
清夜湛玄思晴牕玩奇文寂景賞新悟微言欣有聞
寥寥絕代下此意冀可論

群鳥喧北林黃鵠獨南逝北林豈無枝羅弋苦禁避
之子丹霞姿辭我雲門去山空響流泉路僻迷深樹
長谷何盤紆紫芝春可茹求志暫棲巖避喧寧遷世
繫予辱風塵送子媿雲霧匡時已無術希聖徒有志
倘入陽明峰爲尋舊樓處

何事憧憧南北行望雲依闕兩關情風塵暫息滁陽
駕鷗鷺還尋鑑水盟悟後六經無一字靜餘孤月洲
虛明從知歸路多相憶伐木山山春鳥鳴

贈守中北行二首

江北梅花雪易殘山牕一樹自家看臨行掇贈聊數
顆珎重清香是歲寒

來何匆促去何遲來去何心莫漫疑不爲高堂雙雪
鬢歲寒寧受北風欺

鄭伯興謝病還鹿門雪夜過別賦贈二首

之子將去遠雪夜來相尋秉燭耿無寐憐此歲寒心
歲寒豈徒爾何以贈遠行聖路塞已久千載無復尋

豈無群儒迹 蹊徑榛茆深 濬流須尋源 積土成高岑
攬衣望遠道 請君從此征

濬流須有源 植木須有根 根源未濬 植枝派寧先 蕃
謂勝通夕話 義利分毫間 至理匪外得 譬猶鏡本明
外塵蕩瑕垢 鏡體自寂然 孔訓示克己 孟子垂反身
明明賢聖則 請君勿與諉

鹿門在何許 君今鹿門去 千載龐德公 猶存棲隱處
絜身匪亂倫 其次乃避地 世人失其心 顧瞻多外慕
安宅舍弗居 狂馳驚奔駑 高言詆獨善 文非遂巧智
瑣瑣功利儒 寧復知此意

門人王嘉秀實夫蕭琦子玉告歸書此見別意

兼寄聲辰陽諸賢

王生兼養生 蕭生頗慕禪 迢迢數千里 拜我滁山前
吾道既匪佛 吾學亦匪仙 坦然由簡易 日用匪深玄
始聞半疑信 既乃心豁然 譬彼土中鏡 闇闇光內全
外但去昏翳 精明燭媿妍 世學如翦綵 粧綴事蔓延
宛宛具枝葉 生理終無緣 所以君子學 布種培根原
萌芽漸舒發 暢茂皆由天 秋風動歸思 共鼓湘江船
湘中富英彥 往往多及門 臨岐綴斯語 因之寄拳拳

滁陽別諸友

滁陽諸友從遊送予至烏衣不能別及暮王
性甫汝德諸友送至江浦必留居俟予渡江
因書此促之歸并寄諸賢庶幾共進此學以
慰離索耳

滁之水入江流江潮日復來滁州相思若潮水來往
何時休空相思亦何益欲慰相思情不如崇令德掘
地見泉水隨處無弗得何必驅馳爲千里遠相即君
不見堯羹與舜墻又不見孔與跖對面不相識逆旅
主人多慇懃出門轉盼成路人

寄浮峰詩社

晚涼庭院坐新秋微月初生亦滿樓千里故人誰命
駕百千多酒有孤舟風霜草木驚時態砧杵關河動
遠愁飲水曲肱吾自樂茆堂今在越溪頭

樓雲樓坐雪二首

纔看庭樹玉森森忽漫階除已許深但得諸生通夕
坐不妨老子半酣吟瓊花入座能欺酒冰溜垂簷欲
墮針却憶征南諸將士未奈寒夜鐵衣沉
此日樓雲樓上雪不知天意爲誰深忽然夜半一言
竟又動人間萬古松王樹有花難結果天機無線可
通針曉來不覺城頭鼓未懶羲皇睡正沉

與商貢士二首

兒說浮山麓深林遠石溪何時拂衣去三十六巖棲

其二

兒說浮山勝心與浮山期三十六巖內爲選一巖竒

南都詩四十七首

正德甲戌年四月陞
南京鴻臚寺卿作

題歲寒亭贈汪尚和

一覺紅塵夢欲殘江城六月滯風湍人間炎暑無逃
遯歸向山中卧歲寒

與徽州程畢二子

句句糠粃字字陳却於何處覓知新紫陽山下多豪

俊應有吟風弄月人

山中懶睡四首

竹裏藤床識懶人脫巾山麓任吾真病夫久已逃方
外不受人間禮數真

掃石焚香任意眠醒來時有客談玄松風不用蒲葵
扇坐對青崖百丈泉

古洞幽深絕世人石床風細不生塵日長一覺羲皇
睡又見峰頭上月輪

人間白日醒猶睡老子山中睡却醒醒睡兩非還兩
是溪雲漠漠水泠泠

題灌山小隱二絕

卯屋山中早晚成任他風雨任他晴男婚女嫁多年
事不待而今學向平

一自移家入紫煙深林住久遂忘年山中莫道無供
給明月清風不用錢

六月五章

六月乙亥南都能熊峯少宰石公以少宗伯召
南都之士聞之有惻然而戚者有欣然而喜
者其戚者曰公端介敏直方爲留都所倚重
今茲往善類失所恃群小罔以嚴辯惑考學

者曷從而討究剖政斷疑者曷從而咨決
都非根本地平而獨不可以公遺之其喜者
曰公之端介敏直寧獨留都所倚重其在京
師獨無善類乎獨無群小平獨無辯惑考學
剖政斷疑者乎且天子之召之也亦寧以少
宗伯將必大用大用則以庇天下期彙征之
慶也公聞之曰戚者非吾之所敢喜者乃吾
之所憂也吾思所以逃吾之憂者而不得其
道若之何陽明子素知于公旣以戚衆之戚
喜衆之喜而復憂公之憂乃叙其事爲賦六

月庸以贈公之行

六月凄風七月暑雨
條雨條寒道脩以沮
允允君子迪爾寢興
毋沾爾行國步斯頻

哀此下民靡屈靡極
不有老成其何能國
吁嗟老成獨遺典刑
若屋之傾尚支其楹

心之憂矣言靡有所
如彼暗人食荼與苦
依依長谷言采其芝
人各有能我歸孔時

昔彼叔季沉湎以逞
羣集以咨我人自靖
允允君子淑慎爾則
靡曰休止何干極

日月其逝如彼滄浪
南北其望如彼參商
允允君子毋沾爾行
如日之升以曷不光

守文弟歸省携其手歌以別之

爾來我心喜爾去我心悲
不爲倚門念吾寧舍爾歸
長途正炎暑爾行慎興居
涼茗勿頻啜節食但無飢
勿去船旁立勿登岸上嬉
收心每澄坐適意時觀書
申洪皆冥頑不足長嘖咎
見人勿多說慎默真如愚
接人莫輕率忠信持謙卑
從來爲己學慎獨乃其基
紛紛多嗜欲爾病還爾心
到家良足樂怡顏報重闈
昨秋童蒙去今夏成人歸
長者愛爾敬少者悅爾慈
親朋稱嘖嘖羨爾能若茲
信哉學問功所貴在得師

吾匪崇外飾欲爾沾名爲聖爾日慥慥聖賢以爲期
九光及印弟誦此共勉之

書扇面寄館賓

湖上群山落照晴湖邊萬木起秋聲何年歸去陽明
洞猶棹扁舟鑑裡行

用實夫韻

詩從雪後吟偏好酒向山中味轉佳巖瀑隨風雜鐘
磬水花如雨落袈裟

游牛首山

春尋指天闕煙霞眇何許雙峰久相違千巖來舊主

浮雲刺中天飛閣凌風雨探秀澗阿入蘿陰自篁簹
滅迹避塵纓清朝入深沮風磴仰們歷涼壑屢窺府
梯雲躋石閣下榻得吾所釋子上方候鳴鐘出延佇
頽景耀回眄層飈翼輕舉暖暖林芳暮冷冷石泉語
清宵耿無寐峰月升烟宇會晤得良朋可以寄心腑
送徽州洪佺承瑞

平生舉業最踈慵挾冊虛煩五月從竹院檢方時論
藥笥堂放鶴或開籠曩時漫有孤忠在好古全無一
藝工念我還能來夜雪逢人休說坐春風

病中大司馬喬公有詩見懷次韻奉答二首

十日無緣拜後塵病夫心地欲生榛詩篇極見憐才
意伎倆慚非可用人黃閣聖公長秉軸滄江容我老
垂綸保釐珍重回天平會看春風萬木新
一自多岐分路塵堂堂正道逐生漣聊將膚淺窺前
聖敢謂心傳啓後人淮海帝國須節制雲雷大造者
經綸枉勞詩句裁風雅欲借盤銘獻日新

送諸伯生歸省

天涯送爾獨傷神歲月龍山夢裏春為謝江南諸故
舊起好東嶽太夫人閑中書卷堪時展靜裏工夫要
日新能向塵途薄軒冕不妨簞笠老江濱

高馬亭湖二首

竿竹誰隱扶桑東白眉之叟今龐公隔湖聞鷄謝野
接滄海有鶴蓬山通鹵田經歲苦秋雨浪痕半壁龍
湖風歌聲屋低似金石點也此意當能同
海岸西頭湖水東他年簞笠擬從公釣沙碧海群鷗
借樵徑青雲一鳥通席有春陽堪坐雪門垂五柳好
吟風于今猶是天涯夢悵望青霄月色同

諸用文歸用子美韻爲別

一別烟雲歲月深天涯相見二毛侵孤帆江上親朋
意樽酒燈前故國心冷雪晴林還作雨鳥聲幽谷自

成吟飲餘莫上峰頭望烟樹迷茫思不禁

題王實夫畫

隨處山泉着草廬底須松竹掩柴扉天涯遊子何曾
出畫裏孤帆未是歸小酉諸峯開夕照虎溪春寺入
烟霏他年還向辰陽望却憶題詩在翠微

贈潘給事

五月滄浪濯足歸正堪荷葉製初衣甲非乙是君伏
問酉水辰山志未違沙鳥不須疑雀舫江雲先爲掃
魚磯武陵溪壑猶深僻莫更移家入翠微

與沅陵郭掌教

記得春眠寺閣雲松林水鶴日爲群諸生問業衝星
入稚子拈香靜夜焚世事暗隨江草換道情曾許碧
山聞別來點瑟還誰鼓悵望烟花此送君

別族太叔克彰

情深宗族誼同方消息那堪別後荒江上相逢疑未
定天涯獨去意重傷身閑最覺湖山靜家近殊聞草
木香雲路莫嗟遲發軔世塗崎曲盡羊腸

登憑虛閣和石少宰韻

山閣新春負一登酒邊孤興晚堪乘松間鳴瑟驚樓
鶴竹裏茶烟起定僧望遠每來成久坐傷時有涕恨

無能峰頭見說連閭闔幾欲排雲尚未曾

登閱江樓

絕頂樓荒舊有名 高皇曾此駐龍旌
險存道德虛 天塹守在蠻夷豈石城
山色古今餘王氣江流天地 變秋聲
登臨授簡誰能賦千古新亭一愴情

獅子山

殘暑須還一雨清高峰極目快新晴
海門潮落江聲急吳苑秋深樹脚明
烽火正防胡騎入羽書愁見朔雲橫
百年未有涓埃報白髮今朝又幾莖

遊清涼寺三首

春尋載酒本無期乘興還嫌馬足遲
古寺共憐春草沒遠山偏與夕陽宜
雨晴澗竹消蒼粉風煖巖花落紫蕤
昏黑更須凌絕頂高懷想見少陵詩

其二

積雨山行已後期更堪多病益遲遲
風塵漸覺初心負丘壑真於野性宜
綠樹陰層新作蓋紫蘭香細尚餘蕤
輞川圖畫能如許絕是無聲亦有詩

其三

不顧尙書此日期欲爲花外板輿遲
繁絲急管人人醉竹徑松堂處處宜
雙樹暗芳春寂寞五峯晴秀晚

羲鞋暮鍾杳杳催歸騎惆悵煙光不盡詩

寄張東所次前韻

遠趨君命忽中違此意年來識者稀黃綺曾爲炎祚
出子陵終向富春歸江船一話千年闊塵夢今驚四
十非何日孤帆過天目海門春浪掃魚磯

別余縉子紳

不須買棹往來頻我亦携家向海濱但得青山隨鹿
豕未論黃閣畫麒麟喪心疾已千年痼起死方存六
籍真歸向蘭溪溪上問桃花春水正迷津

送劉伯光

五月茅茨靜竹扉論心方洽忽辭歸滄江獨棹衝新
暑白髮高堂戀夕暉謾道六經皆註脚還誰一語悟
真機相知若問年來意已傍西湖買釣磯

冬夜偶書

百事支離力不禁一官棲息病相侵星辰魏闕江湖
迥松柏茅茨歲月深欲倚黃精消白髮由來空谷有
餘音曲肱已醒浮雲盡荷蕢休疑擊磬心

寄潘南山

秋風吹散錦溪雲一笑南山雨後新詩妙盡從言外
得易微誰見畫前真登山脚健何妨老留客情深不

計省朱呂月林傳故事他年還許卜西鄰

送胡廷尉

鍾陵雪後市燈殘蕭鼓江船發曉寒山水總憐南國
好才猷須濟朔方艱綵衣得侍仙舟遠春色行應故
里看別去中宵瞻北極五雲飛處是長安

與郭子全

相別翻憐相見時碧桃開盡桂花枝光陰如許成虛
擲世故催人總不知雲路不須朱紱去歸帆且得綵
衣隨嵐山風景濂溪近此去還應自得師

次藥子仁韻送別四首

子仁歸以四詩請用其韻答之言亦有過者

蓋云子仁之病而藥之病已則去其藥

從來尼父欲無言須信無言已躍然悟到鳶魚飛躍
處工夫原不在陳編

操持存養本非禪矯枉寧知已過偏此去好從根脚
起竿頭百天未須前

野夫非不愛吟詩才欲吟詩即亂思未會性情涵沫
地二南還合是淫辭

道聽塗傳影響前可憐絕學遂多年正須閉口林間
坐莫道青山不解言

書悟真篇答張六常二首

悟真篇是誤真篇三註由來一手箋恨殺妖魔圖利
益遂令迷妄競流傳造端難免張平叔首禍誰誣薛
紫賢直說與君惟箇字從頭去看野狐禪

悟真非是悟真篇平叔當時已有言只爲世人多戀
着且從情欲起因緣痴人前豈堪談夢真性中難更
說玄爲問道人還具眼試看何物是青天

贛州詩三十二首

正德丙子年九月陞南
贛僉都御史以後作

丁丑二月征漳寇進兵長汀道中有感
將略平生非所長也提我馬入汀漳數峰斜日旌旗

遠一道春風鼓角揚草倚貳師能出塞極知克國善
平羗瘡痍到處曾無補翻憶鍾山舊草堂

回軍上杭

山城經月駐旌戈亦復幽尋到薜蘿南國已忻回甲
馬東田初喜出農叢溪雲曉度千峰兩江漲新生兩
岼波暮倚七星瞻北極絕憐蒼翠晚來多

喜雨三首

即看一雨洗兵戈便覺光風轉石蘿順水飛檣來賈
舶絕江喧浪舞漁叢片雲東望懷梁國五月南征想
伏波長擬歸耕猶未得雲門初伴漸無多

轅門春盡猶多事竹院空閒未得過特放小舟乘急
浪始開幽壁出層蘿山田旱久兼逢雨野老歡騰且
縱歌莫謂可塘終據險地形原不勝人和
吹角峰頭曉散軍橫空萬騎下氤氳前旌已帶洗兵
雨飛鳥猶驚捲陣雲南畝漸忻農事動東山休共凱
歌聞正思鋒鏑堪揮淚一戰功成未足云

聞日仁買田雪上携同志待予歸二首

見說相携雪上耕連策應已出烏程荒畝初墾功須
倍秋熟雖微稅亦輕雨後湖舸兼學釣餉餘堤樹合
閒行山人久有歸農興猶向千峰夜度兵

月色高林坐夜沉此時何限故園心山中古洞陰蘿
合江上孤舟春水深百戰自知非舊學三驅猶媿失
前禽歸期久負雲門伴獨向幽溪雪後尋

祈雨二首

旬初一雨遍汀漳將謂汀虜是接疆天意豈知分彼
此人情端合有炎涼月行今已虛纏畢斗杓何曾解
挹漿夜起中庭成久立正思民瘼欲沾裳

見說虔南惟苦雨深山毒霧長陰陰我來徧遇一春
旱誰解挽回三日霖寇盜郴陽方出掠干戈塞北還
相尋憂民無計淚空墮謝病幾時歸海濤

還贛

積雨零都道山途喜昨晴溪流遲渡馬岡樹隱前旌
野屋多移竈窮苗尚沮兵迎趨勤父老無補媿巡行

借山亭

借山亭子近如何乘興時從夢裏過尚想清池環醉
影猶疑花徑駐鳴珂疎簾細雨燈前局碧樹涼風月
下歌傳語諸公合頻賞休令歲月亦蹉跎

桐岡和邢太守韻二首

處處山田盡入畚可憐黎庶半無家興師正爲民
甚陟險寧容駢鳥道斜勝勢真如甌水建先聲不碍

雲遮窮巢谷有遭驅脇尚恐兵鋒或濫加

戢亂興師既有名揮戈真已見風行豈云薄劣能
策實仗皇威自震驚爛額尚慚爲上客徒薪尤
費經營主恩未報身多病旋凱湏還隴上耕

通天巖

青山隨地佳豈必故園好但得此身閑壘窠亦蓬島
西林日初暮明月來何早醉卧石牀涼洞雲秋未掃
遊通天巖次鄒諫之韻

天風吹我上丹梯始信言霄亦可躋俯視氛環成獨
慨却憐人世尚多迷東南真境埋名久閩楚諸峯入

望低莫道仙家全脫俗三更日出亦聞鷄

又次陳惟濬韻

四山落木正秋聲
獨上高峰望眼明
樹色遙連閩嶠碧
江流不盡楚天清
雲中想見雙龍轉
風外時傳一笛橫
莫遣新愁添白髮
且呼明月醉沉觥

坐忘言巖問二三子

幾日巖棲事若何
莫將佳景復虛過
未妨雲壑淹留久
終是塵寰錯誤多
澗道霜風疎草木
洞門煙月掛藤蘿
不知相繼來遊者
還有吾儕此意麼

留陳惟濬

聞說東歸欲問舟
清遊方此復離憂
却看陰雨相流滯
莫道山靈獨苦留
薜荔巖高兼得月
桂花香滿正宜秋
煙霞到手休輕擲
塵土驅人易白頭

棲禪寺雨中與惟乾同登

絕頂深泥冒雨板
天於佳景亦多慳
自憐久客頻移棹
頗羨高僧獨閉關
江草遠連雲夢澤
楚雲長斷九疑山
年來出處渾無定
慚愧沙鷗盡日間

茶寮紀事

萬壑峰前秋正哀
四山雲霧晚初開
不因王事兼程入
安得閑行向此來
登陟未妨安石興
縱擒徒羨孔

明才乞身已擬旋師日歸掃溪邊舊釣臺

回軍九連山道中短述

百里妖氛一戰清萬峰雷雨洗回兵未能干羽苗頑
格深媿壺獎父老迎莫倚謀攻爲上策還須內治是
先聲功微不願希侯賞但乞蠲輸絕橫征

回軍龍南小憇玉石巖雙洞絕竒徘徊不忍去

因寓以陽明別洞之號兼留此作三首

甲馬新從鳥道回覽竒還更陟崔嵬寇平漸喜流移
復春暖兼欣農務開兩竇高明行日月九關深黑閉
風雷投簪最好支茅地戀土猶懷舊釣臺

洞府人寰此最佳當年空自費青鞵塵幢旂旋懸仙

仗臺殿高低接緯階天巧固應非斧鑿化工無乃太
安排欲將點瑟携童冠就攬春雲結小齋

陽明山人舊有居此地陽明景不如但在乾坤俱逆
旅曾留信宿即吾廬行窩已許人先號別洞何妨我
借書他日巾車還舊隱應懷茲土復鄉閭

再至陽明別洞和邢太守韻二首

春山隨處款歸程古洞幽虛道意生澗壑風泉時遠
近石門蘿月自分明林僧住久炊遺火野老忘機罷
席爭習靜未緣成久坐却慚塵土逐虛名

山水平生是課程一淹塵土遂心生耦耕亦欲隨沮
溺七縱何緣得孔明吾道羊腸須蝮屈浮名蝸角任
龍爭好山當面馳車過莫漫尋山說避名

夜坐偶懷故山

獨夜殘燈夢未成蕭蕭牕外故園聲草深石徑黽黽
笑雪靜空山猿鶴驚漫有緘書懷舊侶常牽纓冕負
初情雲溪漠漠春風轉紫茵黃花又自生

懷歸二首

深慚經濟學封侯都付浮雲自去留往事每因心有
得身閒方喜世無求狼烟幸息昆陽患蠶測空懷杞

憂一笑海天空濶外從知吾道在滄洲

身經多難早知非此事年來識者稀老大有情成腐
德細謀無計解重圍意常不足真夷道情到方濃是
險机悵望衡茅無事日漫吹松火織秋衣

送德聲叔父歸姚

并序

守仁與德聲叔父共學於家君龍山先生叔
父屢困場屋一旦以親老辭廩歸養交遊強
之出輒笑曰古人一日養不以三公易吾豈
以一老母博一弊儒冠乎若叔父真知內外
輕重之分矣今年夏來瞻視某留三月飄然

歸興不可挽。謂某曰：秋風葦鱸，知子之興無日不切。然時事若此，恐即未能脫吾不能。俟子之歸舟，吾先歸爲子開荒。陽明之麓，如何嗚呼！若叔父可謂真知內外輕重之分矣。某方有詩戒叔父曰：吾行子可無言，輒爲賦此。

猶記垂髫共學年，于今鬢髮兩蒼然。窮通只好浮雲看，歲月真同逝水懸。歸鳥長空隨所適，秋江落木正無邊。何時却返陽明洞，蘿月松風掃石眠。

示憲兒

幼兒曹聽教誨，勤讀書要孝弟學。謙恭循禮義節飲，食戒遊戲毋說謊。毋貪利，毋任情，毋鬪氣，毋責人。但自治能下人，是有志能容人，是大器。凡做人在心地，心地好是良士，心地惡是兇類。譬樹菓心是蒂，蒂若壞菓必墜。吾教汝全在是汝，諦聽勿輕棄。

贈陳東川

白沙詩裏莆陽子，盡是相逢逆旅間。開口向人談古禮，拂衣從此入雲山。

陽明先生文錄卷之三